

UGOVORNE STRANE:

1. UNIVERZITET U SARAJEVU, ul. Obala Kulina bana 7/II, Sarajevo, kojeg zastupa rektor prof. dr. Rifat Škrijelj daljem tekstu: Naručilac),
ID: 4200494560007

2. BH Telecom d.d. Sarajevo, Franca Lehara 7, 71000 Sarajevo kojeg zastupa generalni direktor Mirsad Zaimović, dipl.eec. (u daljem tekstu: Izvršilac)
ID broj: 4200211100005
Transakcijski m. broj: 1610000030950092 kod Raiffeisen bank d.d.

zaključile su

UGOVOR

**o pružanju usluge-Iznajmljivanje neosvijetljenog optičkog vlakna (dark fiber)
i povezivanja za potrebe interkonekcije (point-to-point veze)
za potrebe Univerziteta u Sarajevu**

I-PREDMET UGOVORA

Član 1.

Predmet ovog Ugovora je nabavka usluge-Iznajmljivanje neosvijetljenog optičkog vlakna (dark fiber) i povezivanja za potrebe interkonekcije (point-to-point veze) za potrebe Naručioaca, u skladu sa Zahtjevom za dostavljanje ponude Naručioaca broj: 0101-7227-2/16 od 07.12.2016. godine i prihvaćenom ponudom Izvršioaca broj: 02.1.3.4.-4.1-27105/16 od 15.12.2016. godine (u daljnjem tekstu: Ponuda Izvršioaca).

Izvršilac se obavezuje da u skladu sa Ponudom Izvršioaca, Zahtjevom za dostavljanje ponude Naručioaca i pozitivnim propisima koji uređuju predmetnu oblast, izvrši nabavku predmetne usluge. Ponuda Izvršioaca je u prilogu i čini sastavni dio ovog Ugovora.

Predmetna usluga podrazumijeva:

- Uslugu iznajmljivanja neosvijetljenog optičkog vlakna (dark fiber) i povezivanja za potrebe interkonekcije (point-to-point veze) između Rektorata Univerziteta u Sarajevu, Obala Kulina bana 7/II, 71 000 Sarajevo i Univerzitetskog tele-informatičkog centra-UTIC, Zmaja od Bosne 8, (Objekat 33) u Kampusu Univerziteta u Sarajevu;
- Uslugu povezivanja, instalacije i puštanja u rad na lokaciji Rektorat Univerziteta u Sarajevu-Obala Kulina bana 7/II, Sarajevo;
- Uslugu povezivanja, instalacije i puštanja u rad na lokaciji Univerzitetskog tele-informatičkog centra-UTIC, Zmaja od Bosne 8, (Objekat 33) u Kampusu Univerziteta u Sarajevu

II-CIJENA

Član 2.

Ukupna cijena predmetne usluge iznosi 3.602,00 KM bez PDV-a
(slovima: trihiljadešeststotinaidvije KM i 00/100), što sa uračunatim PDV-om iznosi 4.214,34 KM
(slovima: četirihiljadedvjestotineičetnaest KM i 34/100)
Cijena predmetne usluge iz člana 1. ovog Ugovora je nepromjenjiva za vrijeme trajanja ugovora.

III-FAKTURISANJE I NAČIN PLAĆANJA

Član 3.

Naručilac će plaćanje predmetnih usluga vršiti u roku od (30) trideset dana od dana dostavljanja fakture.

Izvršilac dostavlja fakturu mjesečno na adresu Naručioca, Obala Kulina bana 7/II, 71 000 Sarajevo (Pisarnica).

Ovjeru ispostavljene fakture će izvršiti lice ovlašteno od strane Naručioca, nakon što utvrdi da je predmetna usluga izvršena u skladu sa ovim Ugovorom.

Plaćanje se vrši po dospijeću na transakcijski račun Izvršioca.

IV-ROK IZVRŠENJA USLUGE

Član 4.

Izvršilac se obavezuje da će uslugu povezivanja, instalacije i puštanja u rad na lokacijama navedenim u članu 1. ovog Ugovora, izvršiti u roku od (7) sedam dana od dana zaključenja ovog Ugovora.

V-MJESTO VRŠENJA USLUGA

Član 5.

Mjesto vršenja predmetne usluge je:

-Rektorat Univerziteta u Sarajevu, Obala Kulina bana 7/II, 71 000 Sarajevo

-Univerzitetski tele-informatički centar-UTIC, Zmaja od Bosne 8, (Objekat 33) u Kampusu Univerziteta u Sarajevu

VI- OBAVEZE NARUČIOCA

Član 6.

Naručilac se obavezuje da će plaćanje obaveza iz ovog Ugovora vršiti u skladu sa članom 3. ovog Ugovora.

Naručilac se obavezuje osigurati pristup i nesmetano odvijanje radova vezanih za uspostavljanje i održavanje optičkih telekomunikacijskih veza u svim prostorijama na lokacijama Naručioca.

VII-OBAVEZE IZVRŠIOCA

Član 7.

Izvršilac je obavezan da terminiranje optičkih veza na krajnjim tačkama realizuje na optičkim panelima (Optical Distribution Frame, ODF) koje obezbjeđuje Izvršilac (optički paneli će biti smješteni u komunikacionim ormarima Naručioca), sa sljedećim karakteristikama:

-rack mount izvedba

-visina razdjelnika: 1 RU (1,75")

-širina razdjelnika: 19"

-tip optičke utičnice: LC (ili odgovarajuća)

Izvršilac je dužan obezbijediti odgovarajuće mediakonvertere i patch kablove na lokacijama pružanja usluge.

Izvršilac je odgovoran za punu fizičku operativnost fiber optičkih vlakana i sve eventualne popravke koje trebaju obezbijediti punu funkcionalnost fiber optičke infrastrukture između definisanih tačaka.

Izvršilac je dužan izvršiti sve dodatne zahtjeve na uspostavljenim interkonekcijama koje Naručilac zatraži tokom trajanja ovog Ugovora.

Izvršilac je zadužen za provođenje svih testova, a karakteristike moraju biti u skladu sa odgovarajućim ISO/IEC standardima.

Izvršilac je dužan da kopiju svih rezultata testova i karakteristika prosljedi Naručiocu i podorganizacionoj jedinici Univerzitetski tele-informatički centar- UTIC.

Izvršilac je dužan omogućiti prijavu kvara telefonskim pozivom, fax-om ili slanjem e-mail-a svakim danom (uključujući vikende i praznike) od 0 do 24 h. Po prijavi kvara Izvršilac se obavezuje imenovati kontakt osobu, te osigurati izvještavanje Naručioca o procesu otklanjanja kvara kontinuirano do otklona kvara.

Izvršilac je dužan osigurati odzivno vrijeme od 2 sata na lokacijama Naručioca tokom 24 sata, 7 dana u sedmici.

Izvršilac je obavezan prije puštanja u rad dostaviti mjerne rezultate optičkih vlakana.

VIII-TRAJANJE UGOVORA

Član 8.

Ovaj Ugovor se zaključuje na period od 1 (jednu) godinu.

IX-POSLOVNA TAJNA

Član 9.

Izvršilac se obavezuje da će u vremenu trajanja ovog Ugovora i po njegovom prestanku kao poslovnu tajnu čuvati sve tajne informacije i poslovne tajne Naručioca, kao i ostale podatke koji su Izvršiocu dostupni, a odnose se na Naručioca i njegovo poslovanje.

X-VIŠA SILA

Član 10.

Ako slučaj više sile potpuno ili djelimično spriječi izvršenje ugovorenih obaveza, Izvršilac je dužan da obavijesti Naručioca najkasnije u roku od 7 (sedam) dana od dana nastanka više sile.

XI-RASKID UGOVORA

Član 11.

Svaka Ugovorna strana ima pravo jednostrano raskinuti ovaj Ugovor.

Naručilac ima pravo jednostranog raskida ovog Ugovora i zadržati pravo na naknadu prouzrokovane štete, ukoliko se Izvršilac ne pridržava odredaba ovog Ugovora, kao i u slijedećim slučajevima:

1. ako kvalitet usluga ne odgovara ugovorenim;
2. ukoliko Izvršilac ne otkloni nedostatke po primjedbama Naručioca;
3. ako Izvršilac iz bilo kojeg razloga izuzev više sile, dođe u situaciju da ne može izvršiti ugovorene usluge.

Obavijest o jednostranom raskidu ugovora dostavlja se drugoj Ugovornoj strani isključivo u pismenom obliku.

Obavijest mora sadržavati razlog raskida ugovora.

Otkazni rok iznosi (30) trideset dana.

U slučaju raskida ugovora, Ugovorne strane su saglasne da će u svemu izvršiti međusobne uzajamne obaveze nastale do tog roka.

XII-RJEŠAVANJE SPOROVA

Član 12.

Sve eventualne sporove po ovom Ugovoru, Ugovorne strane će rješavati sporazumno, u duhu dobrih poslovnih odnosa i uzajamnog povjerenja.

Ukoliko se sporazumno rješenje ne postigne, sporove će rješavati nadležni sud u Sarajevu.

XIII-ZAVRŠNE ODREDBE

Član 13.

Ugovorne strane su saglasne da se za sva druga pitanja koja nisu regulisana ovim Ugovorom, a budu od značaja za implementaciju istog, primjenjuju odredbe Zakona o obligacionim odnosima.

Član 14.

Sve izmjene i dopune ovog Ugovora mogu se vršiti samo uz postignutu pismenu saglasnost Ugovornih strana. Bilo kakvi usmeni dogovori predstavnika Ugovornih strana neće imati pravni značaj.

Član 15.

Ugovorne strane su saglasne da će se sva korespodencija u vezi sa izvršenjem ugovora voditi neposredno ili putem svojih ovlaštenih predstavnika koje će imenovati Ugovorne strane odmah po potpisivanju ovog Ugovora.

Član 16.

Ovaj Ugovor stupa na snagu kada ga potpišu i ovjere ovlaštene predstavnici Ugovornih strana. Datum kasnijeg potpisivanja ovog Ugovora, smatra se datumom stupanja na snagu ovog Ugovora.

Član 17.

Ovaj Ugovor je sačinjen u 4 (četiri) istovjetna primjerka, od kojih po 2 (dva) primjerka zadržava svaka Ugovorna strana. Svi primjerci važe kao original i imaju jednako pravno djelovanje.

ZA NARUČIOCA
Rektor

Prof. dr. Rifat Škrijelj



Broj: 0109-335 / 17
Sarajevo, 17. 01.

ZA IZVRŠIOCA
Generalni direktor

Mirsad Zaimović, dipl.ecc.

**Izvršni direktor Izvršne
direkcije za razvoj poslovanja**

prof.dr.Duljko Hasić, dipl.ecc.

Broj: 01-25-02 / 17
Sarajevo, 17. 01. 2017

J